



Uhambo lukaXikochimani

Hlekane Paulinah Baloyi

Brian Wambi





Ngalelo langa uXikochimani wavuka ekuseni kakhulu.

Waba ngomunye wabantu abafika kuqala esiteshini samabhasi namatekisi.

Lolu kwakuwuhambo lwakhe lokuqala eyedwa.



Wayevakashela umkhulu wakhe uGalela
owayehlala edolobheni elikude.

Kwathi kusenjalo indoda yamemeza amagama
ezindawo uXikochimani ayezazi.


“Woza, liyahamba ibhasi manje!” kumemeza
indoda.



Kwase kusele kancane ligcwale ibhasi.
UXikochimani wama elinde ukuthi kubizwe
inamba yethikithi lakhe.

Kwakukhona umfana owayemi emnyango
webhasi.

UXikochimani wazizwa ephelelwa yisineke
sokulinda.



Isihlalo sikaXikochimani sasiduze kwefasitela, ehlezi eduze kwabashadikazi ababehamba ndawonye uRhulani noMadzivandlela.

Kwakushisa kakhulu ebhasini.



Abadayisi bokudla babelokhu bengena bededelana ebhasini, umsindo wabo wawuvala izindlebe.

Babedayisa iziphuzo ezibandayo, ubhanana, amaswidi, inyama nezinye izinto zokuthiba indlala.



UMadzivandlela wakhipha imali ayeyishutheke ebeleni lakhe, wathenga izithelo ezazidayiswa enye indoda eyayinobuso obuchachambile.

Wabeka phansi incwadi yakhe waqala wadla izithelo ngokuzijabulela.



Umshayeli wangena ebhasini wabingelela abagibeli. “Khululekani nijabulele uhambo,” wamemeza bonke abagibeli.

UMzamani wayewaphinda wonke amagama ashiwo umshayeli.




Umgwaqo owawuya edolobheni wawumude futhi unamajika.

UXikochimani wayejabule ukubuka izindawo ezinhle ibhasi elalizedlula.



Kwakusashisa kakhulu ebhasini nakuba ilanga lase liyoshona. Abagibeli babejuluka bephicika futhi bozela.


URhulani wabamba isikhwama sakhe wasiqinisa ngesikhathi esefikelwa ubuthongo.



Emva kwesikhashana bazunywa ubuthongo bobathathu oXikochimani, uRhulani noMadzivandlela.

UMadzivandlela wayehona kakhulu.

Balala bathi zwi ngesikhathi ibhasi lithubeleza ubusuku bonke.



UXikochimani wavuswa yisandla esasimthinta ehlombe.

“Isiteshi sokugcina lesi, kanti wena uyaphi?”
kubuza indoda esemuva kwakhe.



UXikochimani wehla ebhasini.

Akabonanga buso abaziyo.

Wakhuluma yedwa ezitshela ethi,
“NginguXikochimani ozalwa uRhulani kaGalela
kaXihimu. Ngizofika kwamkhulu.”



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Uhambo lukaXikochimani

Author/s: Hlekane Paulinah Baloyi

Translator/s: Zanele Zuma

Illustrator/s: Brian Wambi

Assurer/s: Zanele Ndlovu

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

